



EAST ASIAN LIBRARY  
UNIVERSITY OF TORONTO LIBRARY  
130 St. George Street  
8th FLOOR  
TORONTO, CANADA M5S 1A5



DS  
748  
1847  
1786  
v. 9









大事記解題卷五

宋 東 萊 呂 祖 謙 伯 恭 撰

周赧王十九年楚懷王薨於秦

解題曰是後八十六年楚成卒陳勝稱大楚首難於  
蕲郡縣豪傑皆應之遂以滅秦范增說項梁立懷王  
孫心也其言曰自懷王入秦不反楚人憐之至今故  
楚南公曰楚雖三戶亡秦必楚終之降子嬰溺上覆  
秦社稷者實義帝所遣之沛公也天明畏自我民明



史記卷一百一十五  
卷一百一十五  
威其不可誣蓋如此懷王庸主耳使沒於楚民豈以  
其存亡繫心哉及秦遇之無道則舉國如悲親戚積  
怨深怒傳百年而不衰又以見天理人心至公而初  
無定在也

楚與秦絕

解題曰楚之視秦蓋不共戴天之讎絕之正也明年  
已受秦粟又三年而迎婦於秦可勝誅哉

魏伐楚



解題曰按戰國策或謂魏王曰中山恃齊魏以輕趙齊魏代楚而趙亡中山國所以亡者皆有所恃也以史記考之趙主父與齊燕共滅中山則齊非中山之與國今削去齊字蘇厲說趙王亦曰物固有勢異而患同者昔者楚人久伐而中山亡蓋爲楚與魏久連兵中山失其助而亡也

中山膚施大赦酺

解題曰按呂氏春秋晉太史屠黍謂周威公曰

西周之君



也天生民而令有別有別人之義也所以異于禽獸

麋鹿也臣君上下之所以立也中山之俗以晝爲夜

以夜繼日男女切倚固無休息其主弗之惡此亡國

之風也居二年中山果亡大赦卽春秋所書肆大眚

非三代之舊也漢律三人以上無故羣飲酒罰金四

兩詔橫賜得令羣飲食謂之酺羣飲之禁遠自周公

賜酺之制亦必非始於趙也

周禮族師各掌其族之戒令政事春秋祭酺亦

如之注曰酺者爲人物裁害之神也族長無飲酒之禮因祭酺而與其民以長幼相獻酬焉疏曰族畀不



得官物爲禮故云族無飲酒禮也祭醕而民相獻酬  
必須合錢爲之也按禮記云周旅醕六尸曾子曰周  
禮其猶醕與鄭注彼云合錢飲酒爲醕旅醕相  
酌似之也鄭注云明堂之禮仲秋乃命國醕 趙自

簡襄以來經略中山主父胡服騎射攻戰十年今始  
克之故大行慶賜焉史記正義云徐廣云膚施在上  
郡今延州膚施縣年長載滅中山於明年弑主父之  
後當從世家

### 封公子章

解題曰主父得國之慶方新而殺身之釁已兆所謂



憂喜聚門吉凶同域者也肥義阿其主立少又輕以  
身受任及爭國之形已見始區區憂之亦晚矣其荀  
息之流歟李兌不勸之備公子章而勸之稱疾避位  
蓋守小諒而無大略宜其爲姦雄所輕也

史記正義  
曰括地志

云東安陽在朔  
州定襄縣界

### 放屈平

解題曰王子蘭勸懷王入秦者也而以爲令尹屈平  
諫懷王入秦者也而放之江南頃襄王可謂不君矣



按史記屈平睠顧楚國繫心懷王不忘欲反冀幸君之一悟俗之一改也其存君興國而欲反覆之一篇之中三致意焉然終無可奈何故不可以反卒以此見懷王之終不悟也令尹子蘭聞之大怒卒使上官大夫短屈原於王王遂怒而遷之屈原至于江濱被髮行吟澤畔顏色憔悴形容枯槁乃作懷沙之賦投

汨羅以死

史記正義云江南洪饒等州楚東境

周赧王二十年秦與楚粟



解題曰楚饑而歸之粟也是時秦楚已通矣

沙邱

解題曰按史記正義括地志云沙邱臺在邢州平鄉

縣東北

燕以樂毅爲亞卿

解題曰按本傳樂毅賢好兵趙人舉之及武靈王有沙邱之亂乃去趙適魏聞燕昭王以子之之亂而齊大敗燕燕昭王怨齊未嘗一日而忘報齊也于是屈



身下士先禮郭隗以招賢者樂毅于是爲魏昭王使  
于燕燕王以客禮待之樂毅辭讓遂委質爲臣燕昭  
王以爲亞卿史失其年今附於殺主父沙邱之後  
周赧王二十一年武始

解題曰前漢地理志魏郡有武始縣

秦左庶長白起繫韓新城

解題曰秦紀作左更白起

史記正義云新城在洛州伊閼縣

鄭易



解題曰今之莫州易漢涿郡之故安也

呂禮奔齊

解題曰按穰侯傳魏冉相秦欲誅呂禮禮出奔齊

本紀

云禮出奔魏非也

然則禮未嘗得罪於昭王特避穰侯之禍

耳後六年秦紀復書呂禮來歸則其權寵能與穰侯

相軒輊可知矣

任鄙爲漢中守

解題曰以備楚也按白起傳穰侯相秦舉任鄙爲漢



中守鄙烏獲孟說以力事秦武王至大官孟說之徒  
必嘗中廢至是穰侯復舉之也秦人諺曰力則任鄙  
智則穰里秦本紀及年表後六日皆書任鄙卒蓋鄙  
之守邊秦之所倚也

齊田甲田文

解題曰按齊年表田甲劫王相薛文走初人或毀孟  
嘗君於齊湣王曰孟嘗君將爲亂及田甲劫湣王湣  
王意疑孟嘗君乃奔湣王蹤跡驗問孟嘗君無反謀



乃復召孟嘗君孟嘗君乃復謝病歸老於薛

周赧王二十二年白起敗韓魏犀武公孫喜伊闕乾河

解題曰按穰侯傳昭王十四年魏冉舉白起使伐向

壽將而攻韓魏敗之伊闕起既代壽每戰必克遂成

秦并吞六國之勢冉之是舉可謂有大功於秦矣

韓世

家云公孫喜率周魏攻秦秦敗我二十四萬虜喜伊闕戰國策云秦敗東周與魏戰于伊闕殺犀武魏令公孫衍卑辭割地以講于秦又云秦攻魏將犀武軍于伊闕進兵而攻周又云犀武敗于伊闕周君之魏求救蓋秦怒東周之助韓魏故攻之也起之謝疾不肯伐趙也昭王使



應侯責之曰韓魏相率興兵甚衆君所將之卒不能  
半之而與戰之於伊闕大破二國之軍流血漂鹵斬  
首二十四萬韓魏以故至今稱東藩此君之功天下  
莫不聞今趙卒之死於長平者已十七八君嘗以寡  
擊衆取勝如神况以強擊弱以衆擊寡乎起曰伊闕  
之戰韓孤顧魏不欲先用其衆魏恃韓之銳欲推以  
爲鋒二軍爭便之力不同是以臣得設疑兵以待韓  
陣專軍并銳觸魏之不意魏軍旣敗韓軍自潰乘勝



逐北以是之故能立功論伊闕之勝莫詳於此

史記正義

曰括地志云伊闕在洛州南水經注云昔大禹疏龍門以通水兩山相對望之若闕故謂之伊闕按今洛南猶謂之龍門也乾河源出絳州絳縣東南穀山南流注河是水冬乾夏流故曰乾河水經注又云左傳趙鞅使汝寬守闕塞卽伊闕也

周赧王二十三年垣宛葉

解題曰史記正義云垣卽絳州垣縣宛鄧州縣葉汝

州縣

周赧王二十四年封魏冉公子市公子悝



解題曰冉市惺之封皆取於鄰國非秦地也公子惺以本紀考之乃葉陽君然則公子市必涇陽君也非昭王之親母弟豈得與穰侯同封乎市之宛去年所取惺之鄧今年所取冉之穰與陶史雖不載何年得之蓋亦近歲取之耳穰今鄧州穰縣陶乃漢之定陶今之曹州濟陰

周赧王二十五年東周君朝秦

解題曰兩周之君自別爲國各事大國以自固非王



赧所能制也

魏冉伐魏

解題曰按本傳穰侯爲秦將攻魏魏獻河東方四百里

魏芒卯以詐見重

解題曰所以見重者本國用其謀諸侯服其智也按戰國策秦昭王謂左右曰今日韓魏孰與始強對曰弗如也王曰今之如耳魏齊孰與孟嘗芒卯之賢對



曰弗如也王曰以孟嘗君之賢帥韓魏之兵以  
伐秦猶無奈寡人何也以此觀之則卯之見重可知

矣

戰國策云秦約趙而伐魏魏王患之芒卯曰王勿  
憂也臣請發張倚使謂趙王曰夫鄴寡人固形弗

有也今大王收秦而攻魏寡人請以鄴事大王趙王  
喜召相國而命之曰魏王請以鄴事寡人使寡人絕  
秦相國曰收秦魏魏利不過鄴合不用兵而得鄴請  
許魏張倚因謂趙王曰敝邑之吏效城者已在鄴矣  
大王且何以報魏趙王曰今閉關絕秦秦趙大惡芒  
卯應趙使曰敝邑所以事大王者爲宗鄴也今效鄴  
者使者之罪也卯不知也趙王恐魏承秦之怒遽割  
五城以合於魏而支秦舉此一端芒卯之詐可知也

周赧王二十六年秦伐魏至軹取城大小六十一



方輿記勝

卷五

解題曰按穰侯傳穰侯爲將拔魏之河內取城大小

六十餘軹者河內之屬邑也

秦紀昭王十六年左更錯取軹白起傳書虜公

孫喜之明年取魏城六十一以穰侯傳年表參考之取河內城大小六十一蓋在穰侯再相受封之後秦記年表所書皆非也史記正義曰括地志云故軹城在懷州濟源縣東南

周赧王二十七年梗陽

解題曰年表作杜陽杜預曰太原晉陽縣南梗陽城

周赧王二十八年新垣曲陽

解題曰史記正義云括地志云曲陽在懷州濟源縣



新垣縣曲陽

趙伐齊

解題曰按世家惠文王十二年趙梁將攻齊

周赧王二十九年魏以田文爲相秦伐齊呂禮出奔

解題曰按孟嘗君傳秦亡將呂禮相齊欲因蘇代代

乃謂孟嘗君曰周最於齊至厚也而齊王逐之而聽

親弗

親弗人姓名

相呂禮者欲取秦也齊秦合則親弗與

呂禮重矣必輕君不如收周最弗親必走孟嘗君從



其計呂禮嫉害孟嘗君孟嘗君懼乃遣穰侯書曰子  
不如勸秦王伐齊于是穰侯言於秦昭王伐齊而呂  
禮亡後齊湣王滅宋益驕欲去孟嘗君孟嘗君恐乃  
如魏魏昭王以爲相以齊湣之暴孟嘗君若未去齊  
豈敢召穰侯之兵乎考之戰國策孟嘗君去齊相魏  
蓋在齊滅宋之前

戰國策書見李兌  
約五國伐秦條下

又載薛公爲魏

相謂魏冉曰文聞秦王欲以呂禮收齊以濟天下君  
必輕矣齊秦相聚以臨三晉禮必并相之是君收齊



以重呂禮也齊免於天下之兵其懽君必深君不如  
勸秦王令敝邑卒攻齊之事齊破文請以所得封君  
若齊不破呂禮復用子必大窮矣其辭與史記孟嘗  
君遺穰侯書皆同然則此書乃孟嘗君爲魏相時所  
遺也

秦將司馬錯攻魏河內魏獻安邑

解題曰史記正義曰河內卽懷州也在河南之北西  
河之東東河之西秦前後取三晉地多出其人非特



三晉之民不樂爲秦秦亦欲自置其腹心以守新邕也平民應募者旣賜之爵又徙罪人以實之赦云者旣遷則與平民齒也戰國策或謂韓王曰秦正欲出事於梁而欲攻絳安邑韓計將安出矣秦之欲并天下而王之也不與古同事之雖如子之事父猶將亡之也行雖如伯夷猶將亡之也行雖如桀紂猶將亡之也雖善事之無益也其論秦最得其情故附見於魏獻安邑之後



趙伐齊

解題曰按世家韓徐爲將攻齊

趙李兌約五國伐秦

解題曰按戰國策齋欲攻宋秦令起賈禁之齊乃收

趙以伐宋秦王怒屬怨於趙李兌約五國以伐秦

楚齊

趙韓魏也無功留天下之兵於成皐而陰講於秦又欲與

秦攻魏以解其怨而取封焉

李兌欲自取封

魏王不說齊人

謂齊王曰臣爲足下謂魏王曰三晉皆有秦患今之



攻秦也爲趙也秦逐李兌必死今之伐秦也以救李

子之死也今趙留天下之甲於成臯而陰鬻之於秦

已講則令秦攻魏以成其私封王之事趙也何得矣

勸魏之今王又挾故薛公以爲相故薛公孟嘗君也

疎趙也嘗君去齊爲魏相在五國伐秦之前明矣善韓徐以爲上交韓徐乃今年爲趙將伐齊

者蓋齊之王固可以反疑齊乎括蒼鮑氏日用齊之所怒也所不善夫在魏也安

可疑魏王聞此言必欲事王而怨於趙諸侯互相猜

貳如此而欲攻強秦不亦疎哉戰國策又云五國約而攻秦楚王爲從長



不能傷秦兵罷而雷於成臯魏順謂沛邱君曰五國  
罷必攻沛邱以償兵費君資臣臣請爲君止天下之  
攻沛邱沛邱君曰善因遣之魏順南見楚王曰王約  
五國而西伐秦不能傷秦天下且以是輕王而重秦  
故王何不卜交乎楚王曰秦何魏順曰天下罷必攻  
沛邱以償兵費王令之勿攻沛邱四國重王且聽王  
之言而不攻沛邱不重王且反王之言而攻沛邱然  
則王之輕重必明矣故楚王卜交而沛邱存然則趙  
李兌雖主謀楚猶以大國爲從長也合五國之衆一  
籌不畫遠巡而却乃欲攻一小邑以償費楚王號爲  
從長乃不知諸侯與己之深淺始  
欲卜交宜乎秦以折箠笞之也

此大事也見於戰

國策者前後非一章史記乃遺畧不載今載於齊滅

宋之前

戰國策雖不載五國伐秦之年然兵端不於  
秦怨趙助齊伐宋故附見於齊滅宋之前



宋滅滕

解題曰杜氏世族譜云滕姬姓文王子錯叔繡之後  
武王封之居滕沛郡公邱縣是也自叔至宣公十七  
世乃見春秋隱公以下春秋後六世而齊滅之觀孟  
子所載滕定公文公則杜氏之說誤矣戰國策記宋  
王偃滅滕其說是也公邱縣今爲徐州滕縣

齊滅宋

解題曰宋子姓自微子至王偃三十二世按前漢地



理志宋地房心之分壑本陶唐氏火正閼伯之虛昔

堯作游城陽

如淳曰成陽在定陶

舜漁鼉澤湯上于亳故其民

猶有先王遺風重厚多君子好稼穡惡衣食以致畜

藏宋爲齊楚魏所滅三分其地魏得其梁陳畱齊得

其濟陰東平楚得其沛齊之伐宋也蘇代實啟之

戰國

燕王燕王犀蘇子車

五乘南使于齊謂齊

王曰今宋王無道而王不伐王召終不成

秦之救

宋也蘇代復止之

史記世家湣王伐宋秦王怒蘇代爲齊謂秦王曰攻秦所以爲王也

蓋蘇代爲燕反間驕其君勞其民而速其亡也戰國



大事記  
言角是

卷五  
五

策載蘇代說燕之辭曰臣聞王居處不安食飲不甘  
思念報齊身自削甲札日有大數矣妻自組甲絰日  
有大數矣有之乎王曰子聞之寡人不敢隱也我自  
深怨積怒于齊而欲報之直患國弊力不足矣對曰  
齊王長主也而自用之南攻楚五年畜積散西困秦  
三年民憔悴士罷弊而又以其餘兵南面而舉五千  
乘之勁宋而包十二諸侯此其君之欲得也其民力  
竭也安猶取哉且異日濟西不役所以備趙也河北



不師所以備燕也今濟西河北盡以役矣封內弊矣

論齊之亡形莫詳于此

戰國策誤以爲說燕王噲使噲能有志如是豈至復國乎

論其世考其事皆說昭王之辭也呂氏春秋曰齊攻宋燕王使張魁從焉齊王殺之燕王縞素避舍于郊復遣使于齊客而謝焉曰此盡寡人之罪也大王賢主也豈盡殺諸侯之使者哉然而燕之使者獨死此敝邑之擇人不謹也願得變更請罪使者行至齊齊王方大飲左右官實御者甚衆因令使者進報使者報言燕王之甚恐懼而請罪也畢又復之以矜左右官實因乃發小使以反令燕王復舍此齊上之所以敗齊國之所以虛也史記正義云括地志云溫懷州溫縣

## 齊取楚淮北



史記卷五十五

卷五十五

解題曰齊既滅宋南割楚之淮北西侵三晉欲以并

周室爲天子泗上諸侯鄒魯之君皆稱臣焉

周赧王三十年司馬穰苴狐喧陳舉

解題曰按戰國策齊負郭之民有狐喧者正議閔王

斲之檀衢百姓不附齊孫室子陳舉直言殺之東閭

宗族離心司馬穰苴執政者也殺之大臣不親

頌濱蘇氏

曰大史公爲司馬穰苴傳言齊景公時晉伐阿鄆燕  
侵河上齊師敗績晏子薦穰苴景公拔以爲將使寵  
臣莊賈監軍穰苴因其後期戮之三軍畏之遂以成  
功其言甚美世皆信之予以春秋左氏考之景公十



中陽

年北燕伯款奔齊十二年公朝于晉請伐燕而納之  
十三年伐燕取賂而還十八年使高偃以兵納之于  
陽是歲公朝于晉投壺有言明年晉侯盟諸侯于平  
邱齊不欲盟晉人怒自是始貳于晉而未絕也四十  
五年公盟鄭伯于鹹盟衛侯于沙始叛晉自是凡四  
伐晉蓋未有燕晉伐齊者也而戰國策稱司馬穰苴  
執政者也湣王殺之故大臣不附意者穰苴湣王之  
臣嘗爲湣王却燕晉而戰國雜記妄以爲景公時邪

解題曰史記正義曰括地志云在汾州隰城縣南

周赧王三十二年樂毅破齊濟西臨菑昌國

解題曰按齊世家是歲書燕昭王來見蓋樂毅勸昭



王約趙楚魏伐齊又令趙啗秦以伐齊之利伐齊之

舉其重在趙故昭王身約之也

樂毅傳稱毅于是并護趙楚韓魏燕之兵

以伐齊破之濟西田敬仲世家亦稱燕秦楚三晉各出銳師敗我濟西通鑑脫楚字

又按戰國

策燕舉兵使樂毅將而擊齊齊使向子將而應之齊

軍破向子以一與乘亡達子收餘卒復振與燕戰求

所以償者閔王不肯與軍破王奔莒

呂氏春秋曰齊使觸子將以迎

天下之兵於濟上齊王欲戰使人赴觸子恥而嘗之曰不戰必剋若類掘若壘觸子苦之欲齊軍之敗于是以天下兵戰戰合擊合而却之卒北天子兵乘之觸子因以一乘去莫知其所不聞其聲達子又帥其



餘卒以軍于秦周無以賞使人請金于齊王齊王怒  
曰若殘堅子之類惡能給若金與燕人戰大敗達子  
死齊王走莒燕人逐北入國相與爭金于齊王甚多  
此貪于小利以失大利者也觸子戰國策所謂向子  
也秦周齊城門也餘並見通鑑濟西謂濟州已西見  
美唐金藏所在也

記正義臨淄青州臨淄縣古營邱之地城臨淄水故曰

臨淄見史記正義水經注昌國在淄川縣東北見史記正義延平陳

氏曰樂毅之下齊也止侵畧寬賦歛除暴令脩舊政  
求逸民顯而禮之祀威公管仲於郊表賢者之間封  
王蠋之墓凡可悅其民者無不為也此孟子之所以



教齊宣王者齊王不能用之於燕而樂毅能用之於齊

殺淖齒奉法章

解題曰延平陳氏曰法章之立于莒王孫賈力之也賈之母曰王走汝不知其處汝尙何歸用此心則不待四百人亦足以殺淖齒而況于四百人乎

周赧王三十二年廉頗

解題曰按本傳趙思文王十六年廉頗爲趙將伐齊

大破之取晉陽

索隱史記本作陽晉云陽晉衛地後屬齊今趙取之司馬彪郡國志曰今

衛國晉陽城是也有本作晉陽非也拜為正卿以勇  
晉陽在太原雖亦趙地非齊所取也

氣聞於諸侯今齊已破亡拔其地不足言功意者即  
去年助燕破之事與

藺相如

解題曰相如奉璧入秦秦王大喜傳以示美人及左  
右左右皆呼萬歲相如前曰璧有瑕請指示王王授  
璧相如因持璧却立倚柱怒髮上衝冠謂齊王曰趙



主齋戒五日使臣奉璧拜送書於庭今臣至大王見  
臣列觀禮節甚倨得璧傳之美人以戲弄臣臣觀大  
王無意償趙王城邑故臣復取璧大王必欲急臣臣  
頭今與璧俱碎於柱矣相如持其璧睨柱欲以擊柱  
秦王恐其破璧遂許齊五日舍相如廣成傳舍相如  
使其從者衣褐懷其璧亡歸秦王齋五日後乃設九  
賓禮于庭

史記正義曰韋昭云九賓則周禮九儀也  
劉伯莊云九賓者周王之備禮天子臨軒

九服同會秦趙何得九賓  
但亦陳設車輅文物耳

餘並見通鑑

燕求三神山

解題曰此後世人主求仙之始也按前漢志宋毋忌  
正伯僑元尙羨門高最後皆燕人爲方仙道形解銷  
化依於鬼神之事燕齊海上之方士傳其術不能通  
然則怪迂阿諛苟合之徒自此興不可勝數也自齊  
威宣燕昭使人入海求蓬萊方丈瀛洲此三神山者  
傳在勃海中世主莫不甘心焉燕昭之未破齊厲志  
復讎必未溺心于此也今附于克齊之次年



周赧王三十三年秦伐趙拔兩城

解題曰趙世家前年書秦與趙數擊齊齊人患之蘇  
厲因遺趙王書趙乃輟謝秦不擊齊今年又書樂毅  
將趙師攻魏伯陽而秦怨趙不與已繫齊伐趙拔我  
兩城是時齊地皆入於燕獨有莒卽墨僅存耳蘇厲  
之書皆不及之恐非此時耳况樂毅方爲燕經畧全  
齊豈得爲趙將攻魏哉年表所書秦伐趙拔兩城必  
有所因世家所載未可据也

秦韓會新城

解題曰韓年表世家書與秦昭王會兩周間所謂親

城蓋兩周間地名也

史記正義云括地志云許州襄城縣卽古新城縣也

周赧王三十四年石城

解題曰前漢地理志右北平有石城縣

史記正義云括地志云相

州林慮縣東南有石城疑此石城是

趙伐魏

解題曰按趙世家王再之衛東陽決河水伐魏氏大



燎蓋以水攻也魏徙都大梁近河秦之滅魏亦用此策耳

魏冉相趙

解題曰是歲秦本紀年表書秦復以魏冉爲丞相蓋相趙未幾復歸相秦也

楚約從將伐秦西周武公

解題曰楚人有好以弱弓微繳加歸雁之上者頃襄王聞召而問之對曰大王之賢所弋非直此也秦爲一

大島負海內處東西而立左臂據趙之西南右臂傳  
楚鄢郢膺擊韓魏垂頭中國處旣形便勢有地利奮  
翼鼓砥方三千里則秦未可得獨招而夜射也欲以  
激怒襄王故對以此言襄王因召與語遂言曰夫先  
王爲秦所敗而客死於外怨莫大焉今以匹夫有怨  
尙有報萬乘白公子胥是也今楚之地方五千里帶  
甲百萬猶足以踴躍中野也而坐受困臣竊爲大王  
弗取也於是頃襄王遣使于諸侯復爲從欲以伐秦



然卒無成功者特暫激于人言初未嘗有復讎之大志豈能有所立哉楚世家又書楚欲與齊韓連和伐秦因欲圖周周王赧使武公說楚相昭子而止是時齊止餘兩城爲燕所圍何暇與楚連和伐秦蓋所載不能無小差也西周武公者西周惠公之長子卽戰國策所謂西周君通鑑謂之東周武公誤矣餘見通鑑

周赧王三十五年秦赦罪人遷之南陽

解題曰以備楚也史記正義曰南陽今鄧州

光狼城

解題曰史記正義曰在澤州高平縣西二十五里

隴西黔中

解題曰隴西今秦階熙河涼沙等州之地黔中今黔

辰施沅等州之地

楚以上庸漢北地與秦

解題曰黃棘之盟秦以上庸歸楚楚至是復割與秦



也史記正義曰上庸漢北謂割房金均三州及漢水之北

周赧王三十六年白起伐楚取鄢鄧西陵

解題曰鄢楚之別都也在今襄州之宜城縣南豐曾

氏

鞏

曰荆及康狼楚之西山也水出二山之間東南

而流春秋之世曰鄢水左邱明傳魯桓公十有三年

楚屈瑕伐羅及鄢亂次以齊是也秦昭王二十八年

使白起將攻楚去鄢百里立揭壅是水爲渠以灌鄢

遂拔之

酈道元水經注云昔白起攻楚引西山谷水即是水者也舊曷去城一百許里水從城西

灌城東入注為淵今熨斗陂是也水潰城東北角百姓隨水流死于城東者數十萬城東皆臭因名其陂

為臭也

秦既得郢以為縣漢惠帝三年改曰宜城西陵

屬江夏郡左西漢為郡治有雲夢宮今之安州雲夢

縣也

秦趙會澠池

解題曰龜山楊氏

時

曰趙社稷安危之機不在璧之

存亡夫以小事大古之人有以皮幣犬馬珠玉而不



得免者况一璧乎雖與之可也相如計不出此不三  
數年趙卒有覆軍陷城之禍者徒以璧爲之崇也然  
則全璧歸趙何益哉至于澠池之會則其危又甚矣  
相如智勇不足重趙使秦不敢惴焉乃欲以頸血濺  
之豈孔子所謂暴虎馮河死而無悔者歟太史公序  
傳曰能信意疆秦而屈體廉子用徇其君俱重於諸  
侯合兩說觀之相如之抗秦特戰國以氣相加之習  
俗至於體國而深自克則非戰國之士也

齊襄王誅譖田單者田單伐狄

解題曰齊襄王方復國而忌其元勳使無貂勃之諫  
齊之爲齊未可知也田單東有夜邑之奉西有淄上  
之娛魯仲連前知其不能下狄雖厲氣循城僅以成  
功其所存亦可觀矣君臣之志皆有所極齊之不興  
宜哉

荀卿

解題曰荀卿趙人年五十始來游學於齊齊襄王時



荀卿最爲老師齊尙脩列大夫之秩而荀卿三爲祭  
酒焉齊人或讒荀卿荀卿乃適楚春申君以爲蘭陵  
令春申君死而荀卿廢因家蘭陵

周赧王三十七年楚莊辛

解題曰按戰國策莊辛謂楚襄王曰君王左州侯右  
夏侯輦從鄢陵君與壽陵君專淫逸侈靡不顧國政  
郢都必危矣襄王曰先生老悖乎將以爲楚國妖祥  
乎莊辛曰臣誠見其必然者也非敢以爲國妖祥也

君王卒幸四子者則楚國必亡矣臣請辟于趙淹留  
以觀之莊辛去之趙畱五月秦果舉郢襄王流旃於  
城陽於是使人發騶徵莊辛於起以執珪而授之爲  
陽陵君

白起攻楚取郢楚頃襄王徙都陳

解題曰按戰國策應侯謂武安君曰楚地方五千里  
持戟百萬君前率數萬之衆入楚拔鄢郢焚其廟東  
至竟陵楚人震恐東徙而不敢西向武安君曰是時



楚王恃其國不大恤其政而羣臣相妬以攻諂諛用  
事良臣斥疎百姓心離城池不脩旣而良臣又無守  
備故起所以得引兵深入多倍城邑發梁焚舟以專  
民心掠于郊野以足軍食當此之時秦中士卒以軍  
中爲家將帥爲父母不約而親不謀而信一心同功  
死不旋踵楚人自戰其地咸顧其家各有散心莫有  
鬪志是以能有功也楚所以敗秦所以勝略見于此  
矣又按穰侯傳復相秦四歲而使白起拔楚之郢白

起者穰侯之所任舉也相善於是穰侯之富富于天  
室莊辛告楚襄王亦謂馳騁乎雲夢之中而不以天  
下國家為事不知夫穰侯方受命乎秦王填閼塞之  
內而投已乎閼塞之外然則戰勝者雖白起王謀者

實穰侯也

史記正義云括地志云郢城在荊州江陵縣東北楚平王築都之地也夷陵峽州夷

陵縣是也在荊州西應劭云夷山在其北竟陵在郢州長壽縣南今復州亦是其地武安在潞州武安縣

西  
南

周君朝秦



解題曰本紀書周君來未知其爲東爲西也

趙徙漳水武平西

解題曰趙惠文王十八年大潦漳水出然則徙漳水者爲水患也惠文王二十七年又徙漳水武平南按水及經注濁漳水出上黨長子縣西清漳出土黨沾縣西北至武安縣南入于濁漳兩水旣合支流逕邯鄲經絡趙竟故不得不治耳史記正義曰武平亭在瀛州文安縣北

周赧王三十八年巫黔中

解題曰史記正義云括地志云巫郡在夔州東黔中故城在辰州沅陵縣東今黔府亦其地

周赧王三十九年楚復取江南十五邑

解題曰按頃襄王既失郢都復召莊辛聞其言至於顏色變怍身體戰慄此其所以能稍復故地也新叙又載楚襄王用莊辛計舉淮北之地十二諸侯蓋楚喪亂之後補敗扶傾之計皆出於莊辛特不能大有



所爲耳

封公子無忌

解題曰魏王之弟以其賢故記之

幾

解題曰幾魏之邑也史記正義曰幾或屬齊或屬魏當在相潞之間也傳云伐齊幾幾拔之戰國策云秦敗闕與及攻魏幾

周赧王四十年秦魏冉圍大梁

解題曰魏大夫須賈說穰侯曰臣聞魏之長吏謂魏王曰秦貪戾之國也戰勝暴子割八縣地未畢入兵復出矣夫秦何厭之有哉願王之必無講也此臣之所聞於魏也臣聞魏氏悉其百縣勝甲以上戍大梁臣以爲不下三十萬夫輕背楚趙之兵陵七仞之城戰三十萬之衆而志必舉之臣以爲自天地始分以至于今未嘗有者也攻而不拔秦兵不罷陶邑必亡則前功必棄矣願君逮趙楚之兵未至於梁亟以少



割收魏穰侯曰善乃罷梁圍

戰國策載穰侯攻大梁或謂穰侯君攻楚得宛

穰以廣陶攻齊得剛博以廣陶得許鄢陵以廣陶秦昭王不問者何也以大梁之未亡也今日大梁亡許鄢陵必議議則君必窮爲君計者勿攻便此與須賈之說同子衡也穰侯以外戚秉大權徇私如此范雎安得不乘其隙哉

北宅史記正義曰竹書云宅陽一名北宅

趙廉頗拔魏房子安陽

解題曰按亡家廉頗將攻魏房子拔之困城而還又

攻安陽取之徐廣曰房子屬常山

史記正義云今相州外城古安陽城

周赧王四十一年齊昌國高唐

解題曰趙世家書燕周將攻昌國高唐取之不書何  
國按前漢地理志昌國屬齊郡高唐屬平原郡皆齊  
地也

周赧王四十二年秦魏冉白起救韓敗魏趙華陽

解題曰華陽亭名在密陽

出史記司馬彪注

眷屬河南郡

史記

正義云地屬鄭州原武縣西北

蔡陽今蔡州上蔡水之陽

出史記正義輿地廣

記長社屬潁川郡觀津屬清河郡

並前漢地理志按外戚傳竇皇后家

在清河願如趙郡近家又曰竇廣國聞皇后新立家在觀津是觀津屬清河也

南陽卽河內



脩武非鄧州之南陽

出史記正義

晉始啟南陽卽此地也

免臣蓋秦之臣以罪免者遷以守新邊秦不信敵國之民故徙其國人使錯居之也秦華陽之役蓋救韓而擊趙魏年表列傳或云得三晉將或云攻趙韓魏皆記者之誤耳

魏城西周

解題曰按周本紀馬犯謂周君曰請令梁城周乃謂梁王曰周王病若死則犯必死矣犯請以九鼎自入

于王梁王曰善遂與之卒言成周因謂秦王曰梁非  
成周也將伐周也王試出兵境以觀之秦果出兵又  
謂梁王曰周王病甚矣今王使卒之周諸侯皆生心  
不若令卒爲周城以匿事端梁王曰善遂使城周所  
謂周者西周也周君者西周武公也周王者赧王也  
太丘社之亡九鼎已毀特以虛名給魏耳使九鼎是  
時尙存則後十餘歲秦遂滅周鼎必入於秦始皇何  
爲索之於泗水哉

周紀書周亡秦取  
九鼎寶器亦非也



周赧王四十三年趙河水出大潦

解題曰自威烈十三年書晉河岸崩壅龍門至是始

復書趙河水出

安王三年雖書魏號山崩壅河此自爲山所壅非可爲患也

然亦

未聞蕩覆城邑數十年而不可塞如後世之甚者也

燕惠王薨子武成王立

解題曰按趙世家明年書燕將成安君公孫操弑其

王豈非惠王武成王終始之際或有異論聞于鄰國

歟

韓魏與秦楚伐燕

解題曰按燕世家燕惠王七年卒韓魏秦楚兵伐燕  
蓋乘燕之喪也楚世家書使三萬人助三晉伐燕秦  
本紀亦書佐韓魏楚伐燕然則是役也韓魏爲兵主  
秦楚助之而已

周赧王四十四年秦客卿竈攻齊取剛壽

解題曰秦本紀書客卿竈攻齊取剛壽子穰侯按范  
睢今年說昭王之辭曰穰侯越韓魏而攻齊剛壽非



計也少出師則不足與傷齊多出師則害于秦齊年  
表明年書秦楚擊我剛壽是今歲攻而未能下也

史記

正義云括地志云故剛城在  
兗州龔邱縣界壽鄆州之縣

### 秦滅義渠

解題曰前漢匈奴傳秦昭王時義渠戎王與宣太后  
亂有二子宣太后詐而殺義渠戎王于甘泉遂起兵  
伐滅義渠不書何年按昭王初見范雎之言曰寡人  
宜以身受命久矣會義渠之事急寡人旦暮自請太

后今義渠之事已寡人乃得受命今載于范睢爲客卿之前

### 范睢

解題曰按范睢傳王稽載范睢入秦至湖關望見車騎從西來范睢曰彼來者爲誰王稽曰秦相穰侯東行縣邑睢曰吾聞穰侯專秦權惡內諸侯客恐辱我寧且匿車中有頃穰侯果至勞王稽因立車而語曰君得毋與諸侯客來乎王稽曰不敢卽別去遂與范



睢入咸陽

周赧王四十五年秦圍趙閼與

解題曰戰國策策秦攻趙藺離石祁拔

戰國策蘇厲謂周君曰敗

韓魏殺犀武攻趙取藺離石祈者皆白起然則藺離石祈之拔蓋白起為將也括蒼鮑氏曰藺及離石屬

西河祈屬太原趙以公子部為質于秦而請內焦

括蒼鮑氏曰弘農陝

有焦黎括蒼鮑氏曰東郡有黎即黎陽

牛狐之城以易藺離石祈於

秦趙背秦不與焦黎牛狐秦王怒令公子繪請他趙

王乃令鄭朱對曰夫藺離石祈之地曠遠于趙而近

于大國有先王之明與先臣之力故能有之今寡人  
不逮其社稷之不能恤安能收恤藺離石祈乎寡人  
有不合之臣實爲此事也非寡人之所敢知卒背秦  
秦王大怒令衛胡伐趙攻閼與趙奢救之魏令公子

咎以銳師居安邑以挾秦

助趙牽制秦也赧王二十八年魏已獻安邑于秦豈

戰國之時城邑往來不常是時或屬魏與

秦敗於閼與反攻魏幾

幾地名本屬魏

赧王三十九年趙樓昌攻魏幾不能取十二月使廉  
頗伐將取之自是遂屬趙秦師旣爲趙奢所敗不能  
取閼與師還擊幾焉謂之魏幾者因  
其本魏地而稱之也下文止稱救幾  
廉頗救幾大敗



秦師餘見通鑑趙奢始治國賦赧王三十五年已爲  
將攻齊麥邱至救關與之時爲將亦旣久矣關與史  
記正義曰洛州武安縣西南五十里有關與山世傳  
奢距秦軍卽此山也按括地志云言距秦軍在此山  
疑其太近洛州旣去邯鄲三十里而軍又云移之二  
日一夜至關與五十里而軍據今洛州去潞州三百  
里恐潞州銅鞮縣西北關與聚是趙奢破秦處  
以應爲秦太后養地

解題曰按戰國西周策周君之秦客謂周最曰不如  
譽秦王之孝也因以應爲太后養地秦王太后必喜  
應在潁川父城縣應鄉養地卽平準書所謂自天子  
至於封君湯沐邑皆各爲私奉養不領于天下之經  
費者也是時范睢之間言已入而天下尊奉太后猶  
若此得非隙猶未見于外耶

### 攻齊剛壽

解題曰穰侯猶在相位攻攻剛壽之師猶未已也去



年范雎初見昭王首以剛壽撼穰侯豈非其言甚密  
外庭不得而聞歟

周赧王四十七年秦拔魏懷城

解題曰按范雎傳昭王拜范雎爲客卿謀兵事卒聽  
范雎謀使五大夫綰伐魏拔懷

周赧王四十九年邢邱

解題曰年表作廩邱世家作鄴邱

史記正義云括地志云平臯故城本

邢邱邑漢置平臯縣  
在懷州武德縣東南

秦免魏冉相國奪宣太后權

解題曰范雎傳書廢太后逐穰侯高陵華陽涇陽君  
于關外按本紀明年宣太后葬芷陽酈山九月穰侯  
出之陶是宣太后之沒書薨書葬初未嘗廢魏公子  
無忌諫魏王親秦之辭止曰太后母也而以憂死亦  
未嘗言其廢也穰侯雖免相猶以太后之故未就國  
及太后既葬之後始出之陶耳范雎傳所載特辯士  
增飾之辭欲誇范雎之事而不知甚昭王之惡也卻



氏皇極經世書曰罷穰侯相國及宣太后權以客卿  
范雎爲相封應侯蓋得其實矣

秦華陽君芊戎王弟涇陽君市出就封

解題曰昭王聞范雎之說赫然震怒若迅雷之不及  
掩耳彼四貴者豈容皆久留咸陽穰侯葉陽其去旣  
別見于後則華陽涇陽必以此時就封也今從范雎

傳載于此

史記正義云涇陽雍州縣也

赧王五十年安國君柱

解題曰按史記索隱安國君名柱

齊楚攻魏

解題曰齊楚相約而攻魏魏使人求救于秦冠蓋相望也而秦救不至魏人有唐睢者年九十餘矣謂魏王曰老臣西說秦王唐睢見秦王秦王曰大夫芒然乃遠至此甚苦矣夫魏之來求救數矣寡人知魏之急已唐睢對曰大王已知魏之急而救不發者臣竊以爲用策之臣無任矣夫魏一萬乘之國也然所以



西面而事秦稱東藩受冠帶祠春秋者以秦之強足  
以爲與也今齊楚之兵已合于魏郊矣而秦救不發  
亦將賴其未急也侯之大急彼且割地而約從王尙  
何救焉必待其急而救之是失一東藩之魏而彊二  
敵之齊楚則王何利焉於是秦昭王遽爲發兵救魏  
魏氏復定魏王以秦救之故欲親秦而伐韓以求故  
地信陵君無忌謂魏王曰秦與戎翟同俗有虎狼之  
心貪戾好利無信不識禮義德行苟有利焉不顧親

戚兄弟若禽獸耳此天下之所識也非有所厚施積  
德也故太后母也而以憂死穰侯舅也功莫大焉而  
竟逐之兩弟無罪而再奪之國此于親戚若此而况  
于仇讎之國乎今王與秦兵伐韓而益近秦患臣甚  
惑之而王不識則不明羣臣莫以聞則不忠今韓氏  
以一女子奉一弱主內有大亂韓世家不載其事必是時韓王少母后用  
事外交彊秦魏之兵王以爲不亡乎韓亡秦有鄭地  
也與大梁鄰王以爲安乎王欲得故地今負彊秦之親



王以爲利乎秦非無事之國也韓亡之後必將更事  
更事必就易與利就易與利必不伐楚與趙矣是何  
也夫越山踰河絕上黨而攻彊趙是復得關與之事

趙奢敗  
秦關與

秦必不爲也若道河內倍鄴朝歌絕漳滏水

與趙兵決于邯鄲之郊是知伯之禍也秦又不敢伐

楚道沙山谷行三千里而攻冥阨之塞

徐廣曰或以  
爲令江夏罷

縣史託音義曰冥罷並音育秦兵向楚有兩道涉山  
谷是西道河外是東道也史記正義曰括地志云石  
城山在申州鍾山縣東南二十一  
里攻冥阨卽此山申州今信陽軍所行甚遠所攻甚

難若道河外倍大梁

史記正義曰徐廣云出函谷關  
同州南至鄭州東向陳州則

背大

右蔡左召陵

史記正義曰徐廣云一無左字上  
蔡縣在豫州北七十里邵陵故城

亦在豫州鄆城縣東四十里並在陳州西從汴州  
南行向陳州之西郊則上蔡郡在南面向東皆身之

右定無  
左字也

與楚兵決於陳郊秦又不敵故曰秦必不伐

楚與趙矣又不攻衛於齊矣夫韓亡之後兵出之日

非魏無攻已秦固有懷茅

史記正義曰本周邑後屬  
晉懷州武陟縣西十一里

有故懷城括地志云懷州獲嘉縣東北二十五里  
里有茅亭周與蘇忿生十二邑其一曰攢茅也邱

史記正義曰在懷州  
武德縣東南二十里

城埵津

史記音義曰埵九  
毀反蓋在河北

以臨



河內河內共汲必危

史記索隱曰皆有鄭地得垣雍縣名俱屬河內

有鄭地得垣雍

決滎澤水灌大梁

徐廣曰成皐滎陽亦屬鄭史記正義曰垣雍故城在鄭州原武縣西

北七里言韓子之後秦有鄭地得垣

大梁必亡

始皇滅魏

果用

王之使者出過而惡安陵氏于秦

按戰國策安陵君曰吾先

此策君成侯受詔襄王以守此地蓋安陵趙襄子所封其後遂別爲小國附庸于魏今魏反今使者譖之於秦也使者出過而惡安陵氏于秦戰國策作王之使者大過矣乃惡安陵氏于秦

秦之欲誅之

久矣秦葉陽昆陽與舞陽鄰

史記正義曰葉陽今許州葉縣也昆陽故城在

許州葉縣北二十五里舞陽故城在葉縣東十里此時葉縣昆陽屬秦舞陽屬魏也葉陽今屬汝州治

使者之惡之隨安陵氏而亡之繞舞陽之北以東臨

許按史記正義安陵在鄢陵縣西北則去汝許不遠矣南國必危史記正義曰在魏之南故

曰南國無害已戰國策作魏國豈得安哉夫憎韓不愛安陵氏可

也夫不患秦之不愛南國非也秦得南國則諸侯之勢危矣魏不可以為

非已地而不恤也異日者秦在河西晉國去梁千里史記音義曰晉

國謂河東安邑等地至大梁地界有千里也有河山以闌之有周韓以間

之從林鄉軍徐廣曰林鄉在宛縣以至於今自秦伐林鄉以來以至於今也邊

城盡拔文臺墮垂都焚林伐麋鹿盡盡而國繼以圍



赧王四十年  
穰侯圍大梁

又長驅梁北東至陶衛之郊

陶卽穰侯所封也

北至平監

史記正義曰平卽兗州平陸縣  
監卽故闕城在平陸縣西南

所亡於秦

者山南山北河內河外大縣數十名都數百秦乃在

河西晉去大梁千里而禍若是矣又況於秦無韓有

鄭地無河山而闌之無周韓而間之去大梁百里禍

必百此矣

百字從  
戰國策

異日者從之不成也楚趙疑而韓

不可得也今韓受兵三年秦撓之以講識亡不聽投

質于趙請爲天下雁行頓刃楚趙必集兵皆識秦之

欲無窮也非盡亡天下之國而臣海內不休矣是故

臣願以從事乎王

乎字從戰國策

王速受楚趙之約而挾韓

之質

而字從戰國策

以存韓而求故地韓必效之此士民不

勞而故地得其功多于與秦共伐韓而又與彊秦鄰

之禍也夫存韓安魏而利天下此亦王之大時也

大字

從戰國策

通韓上黨于共寧

史記正義曰共衛州共城縣甯懷州脩武縣

使道

安城

是時秦欲取韓上黨故蠶食其地使與韓國中絕故信陵君勸魏假道使韓得與上黨往來豈

專為韓而已哉韓不失上黨則三晉之勢猶完也

出入賦之是魏重質韓以



其上黨也今有其賦足以富國韓必德魏愛魏重魏  
畏魏韓必不敢反魏是韓則魏之縣也魏得韓以爲  
縣衛大梁河外必安矣今不存韓二周安陵必危楚  
趙大破衛齊甚畏天下西鄉而馳秦入朝而爲臣不  
久矣信陵君之諫世家不書其從違然亦不書魏與  
秦同伐韓取故地之事必以其言而止也當是時范  
雎爲謀主謂秦之有韓如人之有腹心之疾故以破  
韓爲首務其所以親魏者豈誠愛魏哉特欲孤韓之

黨耳信陵君之言深切綜練識天下之大勢使魏王能用其計糾率楚趙竭力助韓則韓不至于失上黨趙不至於敗長平六國亦不至爲秦所吞矣謀旣不用又以矯殺晉鄙流落于外秦已滅周六國垂亡魏始再用之猶能收合諸侯折強秦之鋒若用之於上黨長平未敗之前天下雌雄之勢殆未可量也信陵君諫辭稱秦太后母也而以憂死今附于宣太后薨之後



趙使長安君爲質于齊

解題曰是歲秦宣太后薨趙太后齊君王后復見於  
史大抵當時諸國皆母后專政也時秦急攻趙趙求  
救于齊故以長安君爲質

趙以田單爲將伐燕

解題曰按戰國策趙王割濟東三城城邑市五十七  
與齊求安平君爲將攻燕馬服君謂平原君曰國奚  
無人甚哉君致安平君而將之乃割濟東三城此與

敵國戰覆軍殺將之所取也今君以此與齊而求安平君而將之國奚無人甚也且君奚不將奢也奢嘗抵罪居燕燕以奢爲上谷守燕之通谷要塞奢習知之百日之內天下之兵未聚奢已舉燕矣然則君奚求安平君而爲將乎平原君曰將軍釋之矣僕已言之僕主矣僕主幸以聽僕也馬服君曰君之所以求安平君者以齊之於燕也茹肝涉血之仇耶使安平君智則奚以趙之強爲趙強則齊不復霸矣今得強



趙之兵以杜

括蒼鮑氏曰杜猶拒也

燕將曠日持久令士大夫

餘子之力盡于溝壘府庫敝倉廩虛乃引其兵而歸  
盡兩國之兵無明此者矣已而得三城城大無能過  
百雉者此卽趙世家今歲所載之事也但載所得之  
城微不同耳平原君謀國如此趙之不競有以哉

周赧王五十一年秦城廣武

解題曰按范睢傳昭王四十二年秦攻韓汾陘拔之

因城河上廣武

史記正義曰陘城在絳州曲沃縣西北汾水之旁也廣武在鄭州滎陽縣

西

周赧王五十二年秦白起攻韓取南陽絕太行道

解題曰南陽河內脩武也昭王三十四年嘗取之魏

矣今歲又書取之韓或者中間嘗屬韓也范曄嘗獻

謀於昭王曰北斷太行之道則止黨之師不下斯役

也其取上黨漸之歟

史記正義曰大行在懷州河內縣也

周赧王五十三年州

解題曰徐廣曰南郡有州陵縣



秦葉陽君

解題曰惺與穰侯同時封爲諸侯者也諒毅說昭王之辭曰平原君親寡君之母弟也猶大王之有葉陽涇陽君也然則惺其昭王之母弟歟范睢論四貴王弟居其二曰高陵曰涇陽獨無所謂葉陽者高陵或其別名也惺在四貴之中就封獨後豈昭王獨薄其罪乎

上黨守馮亭以郡降趙

解題曰趙孝成王夢衣偏髷之衣乘飛龍上天不至而墜見金玉之積如山明日召筮史史敢占之曰夢衣偏髷之衣者殘也乘飛龍上天下至而墜者有氣而無實也見金玉之積如山者憂也後三日韓上黨守馮亭使者至王大喜召平陽君與趙之對曰聖人甚禍無故之利趙豹出王召平原君與趙禹而告曰曰此大利不可失也嚴尤三將叙曰平原君勸趙孝成王受馮亭王曰受之秦兵必至武安君必將誰能



當之者乎對曰澠池之會臣察武安君小頭而面銳  
瞳子白黑分明者見事不轉小頭而面銳者敢決也  
瞳子白黑分明者見事明也視瞻不轉者執政強也  
可與持久難與爭鋒廉頗爲人勇鷙而愛士知難而  
忍恥與之野戰則不如持守足以當之王從其計平  
原君贊之趙遂受上黨以致長平之禍以嚴尤所載  
考之君臣苟力守其初計雖未必能亢秦猶未至于  
禍趙也卒怵于反間竟以趙括代廉頗何遽忘其前

語耶蓋趙王素畏白起聞王敝爲將則易之故臨敵  
將將而無所憚秦王聞趙括已爲趙將則陰使武安  
君爲上將軍令軍中有敢泄武安君將者斬其亦聞  
趙之初計歟帷幄之謀至使敵國聞之國非其國矣  
餘見通鑑

周赧王五十四年綏氏

解題曰今河南府偃師縣

周赧王五十五年秦白起大破趙師長平



解題曰史記正義曰在澤州高平縣西

水經注上黨記曰長平城

在郡之南秦壘在城西一軍共食流水澗相去五里秦坑趙衆收頭臚築臺于壘中因山爲臺今號曰白

起臺

周赧王五十六年異人生子政

解題曰按始皇紀莊襄王爲秦質子於趙見呂不韋

姬悅而取之生始皇以秦昭王四十八年正月生于

邯鄲及生名爲政徐廣曰作正宋忠云以正月旦生

故名

大原上黨垣雍

解題曰秦上黨郡乃今河東路澤潞遼平定威勝之

地太原則莊襄王之世別爲郡矣

史記正義云太原今并州垣雍在鄭

州原武縣西北

趙不入六城於秦使虞卿賂齊

解題曰潁濱蘇氏曰游說之士皆厯指諸侯以左右

網其利獨虞卿終始事趙專持從說其言前後無異

周赧王五十八年十二月秦殺白起



解題曰按戰國策昭王旣息民繕兵復欲伐趙武安君曰不可王曰前年國虛民飢君不諒百姓之力求益軍糧以滅趙今寡人息民以養士蓄積糧食三軍之俸有倍于軍而曰不可其說何也武安君曰長平之事秦軍大尅趙軍大破秦人歡喜趙人畏懼秦民之死者厚塋傷者厚養勞者相饗飲食餽餽以靡其財趙人死者不得收傷者不得療涕泣相哀戮力同憂耕力疾作以生其財今王發軍雖倍其前臣料趙

國守備亦以十倍矣趙自長平已來君臣憂懼早朝  
晏退卑辭重幣四面出嫁結親燕魏連好齊楚積慮  
并心備秦爲務其國內實其交外誠當今之時趙未  
可代也王勿聽其後秦數不利武安君曰不聽臣計  
今果何如王聞之怒因見武安君疆起之曰君雖病  
疆爲寡人臥而將之有功寡人之願將加重于君如  
君不行寡人恨君武安頓首曰臣之行雖無功得免  
于罪雖不行無罪不免于誅然惟願大王覽臣愚計



釋趙養民以觀諸侯之變撫其恐懼伐其驕慢誅滅  
無道以令諸侯天下可定何必以趙爲先乎此所謂  
爲一臣屈而勝天下也大王若不察臣愚計必欲快  
心于趙以致臣罪此亦所謂勝一臣而爲天下屈者  
也夫勝一人之嚴焉孰若勝天下之威大耶臣聞明  
主愛其國忠臣愛其名破國不可復完死卒不可復  
生臣寧伏受重誅而死不忍爲辱軍之將願大王察  
之王不答而去范雎傳云與武安君曰白起隙言而

殺之任鄭安平使將擊趙其後昭王責范雎言曰今武安君既死而鄭平安等畔內無良將而外多敵國然則起之死皆雎之力明矣

新中

解題曰史記正義曰相州安陽縣也秦昭王拔之更名安陽

秦質子異人逃歸

解題曰按戰國策異人至不韋使楚服而見王使子



異人誦異人曰以棄捐在外無師傅不習于誦王惡之秦之焚書蓋兆于此餘見通鑑

河橋

解題曰河之有橋初見于此

周赧王五十九年韓魏楚救趙新中

解題曰按趙世家趙將樂乘慶舍攻秦信梁軍破之徐廣曰年表云新中軍也蓋去年秦取趙新中而屯守故之今年趙與三國攻之而逐之也

赧王入秦盡獻其邑

解題曰按稽古錄周自武王以來凡三十六王八百

六十七歲而亡周紀書西周君韓秦頓首受罪盡獻

其邑秦受其獻歸其君子周周君王赧卒

史記正義曰西周即

西周武公也王赧即周王也周君與王赧此年俱卒通鑑書赧王入秦盡獻其邑歸赧王于周以理考之

當從通鑑所謂周君王赧卒蓋史記衍周君二字

賈誼曰先生知取寶器而

遷西周公子于愚狐

史記秦紀明年書周氏東亡今併與遷西周公子于愚狐事載于明年

正義曰西周公蓋武公太子咎也宋忠云王赧諡西周武公非也按西周武公既有諡則其死必在西周



未亡之前遷惡狐者  
必其子也惡音憚

賈誼曰先生知壅蔽之傷國也

故置公卿大夫士以飾法設刑而天下治其強也禁  
暴誅亂而天下服其弱也五伯征而諸侯從其削也  
內守外附而社稷存故秦之盛也繁法嚴刑而天下  
振及其衰也百姓怨望而海內畔矣故周五序得其  
道而千餘歲不絕秦本末並失故不長久由此觀之  
安危之統相去遠矣誼論周秦長短之由蓋得其要  
至於所謂飾法設刑而天下治乃申韓之餘習非先

王之所先也



大事記解題卷五



